

**KARATE SAVEZ BOSNE I HERCEGOVINE  
КАРАТЕ САВЕЗ БОСНЕ И ХЕРЦЕГОВИНЕ  
KARATE SAVEZ BOSNE I HERCEGOVINE**



**KRITERIJUMI  
ZA IZBOR TAKMIČARA I TAKMIČARKI U DJEČIJE,  
KADETSKE, JUNIORSKE I U-21 REPREZENTACIJE  
KARATE SAVEZA BOSNE I HERCEGOVINE**

Sarajevo, 27.04.2021. godine

Na osnovu Člana 29. Statuta Karate saveza Bosne i Hercegovine, Upravni odbor Karate saveza Bosne i Hercegovine, dana 27.04.2021. godine godine, donio je:

**KRITERIJUME  
ZA IZBOR TAKMIČARA I TAKMIČARKI U KADETSKE, JUNIORSKE I U-21  
REPREZENTACIJE KARATE SAVEZA BOSNE I HERCEGOVINE**

**Član 1.**

Ovim Kriterijumima definiše se mjerjenje/testiranje kvaliteta i forme takmičara-ki, vrednovanje plasmana bodovanjem (Tabela 1), definišu se domaća i međunarodna bodovna takmičenja i njihovi koeficijenti (Tabela 2), način izračunavanja bodova i plasmana, bodovni period/ciklus, neposredan izbor takmičara-ki u reprezentacije i prava i dužnosti selektora-trenera u tom procesu.

**Član 2.**

Kriterijumi za izbor takmičara-ki u kadetske, juniorske i U-21 reprezentacije Karate saveza Bosne i Hercegovine (u daljem tekstu: Savez) definišu se kao mjerjenje/testiranje kvaliteta i trenutne forme takmičara-ki u borbama i katama pojedinačno i ekipno, a ostvaruju se kroz međusobno upoređivanje i numeričko iskazivanje tog odnosa, kako bi se utvrdilo ko je najbolji.

**Član 3.**

Osnovno mjerjenje/testiranje za utvđivanje i odabir najboljih takmičara-ki za kadetske, juniorske i U-21 reprezentacije je pojedinačno karate takmičenje.

**Član 4.**

Mjerjenje/testiranje kvaliteta takmičara-ki u karateu je definisano WKF kriterijumima za WKF Ranking liste i ti kriterijumi će se, sa manjom korekcijom, primijeniti u Savezu, kroz njegov sistem takmičenja.

**Član 5.**

U Savezu se vrednuju plasmani od 1-5. mjesta (peto mjesto je borba za medalju), na način da se vrijednost zlatne, srebrne i bronzone medalje, kao i petog mjesata, množi sa faktorom takmičenja od 1-18, kao na tabelama 1 i 2:

**Tabela 1: Plasman i bodovi**

1. mjesto	100 bodova
2. mjesto	70 bodova
3. mjesto	40 bodova
5. mjesto	20 bodova

**Tabela 2: Faktor takmičenja:**

Olimpijske igre	18
Svjetske igre	14
Svjetsko prvenstvo	12
Evropske igre	7
Evropsko prvenstvo	6
Premier liga	5,5
Serija A	5
Mediteranske igre	4,5
Liga za mlade	4
Svjetski kup	3,5
Mediteransko prvenstvo	3
Balkansko prvenstvo	2,5
Državno Prvenstvo i Kup	1,5
Izborni takmičenje	1

### **Član 6.**

Prije nastupajuće takmičarske sezone, u skladu sa Kalendarom aktivnosti Saveza (u daljem tekstu: Kalendar) za nastupajuću kalendarsku godinu, selektori-tireneri kadetskih, juniorskih i U-21 reprezentacija predlažu bodovni period/ciklus u kome se vrši bodovanje takmičara-ki, koji nije kraći od 3, a duži od 6 mjeseci, gdje se, pored službenih takmičenja Saveza, Državnog prvenstva, Kupa i Izbornog takmičenja, kao i službenih međunarodnih takmičenja navedenih u Tabeli 2, po prijedlogu selektora-trenera, a odlukom Upravnog odbora Saveza (u daljem tekstu: UO), mogu bodovati još neka kvalitetna domaća i međunarodna takmičenja.

### **Član 7.**

Sva službena domaća i međunarodna takmičenja sa Tabele 2, koja se održavaju u bodovnom periodu, vrednovaće se i bodovati.

### **Član 8.**

Takmičari-ke nisu obavezni prisustvovati svim bodovnim takmičenjima u bodovnom periodu/ciklusu, osim na Prvenstvu, Kupu i na takmičenjima za koja su određeni da nastupaju za reprezentacije BiH, gdje je nastup obavezan.

### **Član 9.**

Takmičaru-ki, koji će u bodovnom periodu iz mlađe preći u stariju uzrasnu kategoriju, Savez mora omogućiti nastup na bodovnim takmičenjima i u starijoj uzrasnoj kategoriji, kako bi njegov rezultat vrijedio i bodovao se kada takmičar-ka definitivno pređe u istu.

### **Član 10.**

Takmičar-ka u određenoj disciplini, uzrasnoj i težinskoj kategoriji sa najviše osvojenih bodova sa budućih takmičenja u bodovnom periodu/ciklusu stiču status reprezentativca-ke.

### **Član 11.**

Ukoliko dva ili više takmičara-ki u bodovnom periodu/ciklusu ostvare jednak bodovni saldo, selektor-trener ima diskreciono pravo da jedno od njih izabere u reprezentaciju za koju su konkurisali.

### **Član 12.**

Izuzetno, ukoliko selektor-trener, na osnovu praćenja i procjene vrijednosti takmičara-ki iste discipline, uzrasne i težinske kategorije, procijeni da takmičar-ka sa najboljim bodovnim saldom nije najbolji izbor za nastup na određenom takmičenju, nego takmičar-ka sa nešto manjim bodovnim saldom, ima pravo i mogućnost, a ne obavezu, da uz podrobno obrazloženje Sportskom direktoru i UO, takmičaru-ki sa manje bodova dodijeli 40 ekstra bodova (vrijednost trećeg mesta) i na osnovu tako ostvarenog najboljeg bodovnog salda takav takmičar-ka steknu reprezentativni status.

### **Član 13.**

Za borbe ekipno selektori-treneri biraju takmičere-ke po vlastitom stručnom izboru, za koje vjeruju da će postići najbolje rezultate, rukovodeći se prirodnom, osobenostima i zahtjevima ovakve vrste takmičenja, a sa druge strane birajući one takmičare-ke koji posjeduju rezultatate, kvalitet i iskustvo da ovim zahtjevima odgovore.

Za kate ekipno selektori-treneri biraju klupske timove sa najboljim rezultatima, odnosno sa najvećim bodovnim saldom ili formiraju kata timove od najbolje plasiranih takmičara-ki na bodovnoj listi u pojedinačnoj konkurenciji, vodeći računa o svim specifičnostima izbora članova tima, obuke i usavršavanja timskog sinhronog izvođenja kata.

### **Član 14.**

Ovim Kriterijumima omogućava se, pod jednakim uslovima, svakom takmičaru-ki izbor u pripadajuću reprezentaciju BiH, ukoliko, zbog sportske neaktivnosti, loše takmičarske forme ili zdravstvenog statusa, neodazivanja na planske aktivnosti reprezentacije, disciplinskog ili krivičnog postupka, suspenzije i kažnjavanja, taj status ne ostvari ili postojeći izgubi.

### **Član 15.**

Selektori-treneri dužni su da redovno prate sistem bodovanja WKF-a i, u slučaju njegovih izmjena, u saradnji sa Sportskim direktorom, istom prilagođavaju postojeće Kriterijume i UO predlažu njegove izmjene i dopune.

### **Član 16.**

Izmjene i dopune ovih Kriterijuma vrše se na način i po postupku za njihovo donošenje.

### **Član 17.**

Tumačenje ovih Kriterijuma vrši UO Saveza.

### **Član 18.**

Ovi Kriterijumi stupaju na snagu osmog dana od dana usvajanja na sjednici UO Saveza.

Broj: UO-14-01/21

Sarajevo, 27.04.2021. godine

**PREDSJEDNIK KS BiH**

Miroslav Kremenović

